

松翁未焚槁目錄

記梁邱氏易

記小夏侯尚書

釋亞

釋鑒

殷虛書契續編序

高昌專錄序

遼東冊文錄序

集古遺文補遺序

經義考補目序

遼海吟序

勞尚書年譜序

小學考補目序

漢石經殘字續補跋

重訂高昌麴氏系譜跋

雪堂所藏古器物圖說跋

南華真經田子方品殘卷跋

敦煌寫本老子天應經跋

康熙內府皇輿全覽圖跋

帶存堂集跋

萬庵集鈔本跋

東江遺事跋

漢石經魯詩唐風殘字跋

魏元寶月墓誌跋

侯剛墓誌跋

爾朱紹墓誌跋

元孝公墓誌跋

隋范安貴墓誌跋

唐強偉墓誌跋

桓歸秦墓誌跋

溫君夫人墓誌跋

杜濟墓誌跋

王君夫人墓誌跋

殷君夫人碑跋

崔沔墓誌跋

韋希損墓誌跋

嗣曹王墓誌跋

嗣曹王妃墓誌跋

李少府夫人墓誌跋

盧君夫人墓誌跋

盧昂墓誌跋

盧知宗妻墓誌跋

張君妻劉夫人墓誌跋

孫方紹墓誌跋

劉蛻母權孀表跋

李紳墓誌跋

周寶禹鈞殘墓誌跋

明重脩得勝廟碑跋

李介節先生墨蹟冊跋

目錄

卷之三

松翁未焚橐

予年十六始志於學雖履境艱屯而志氣彌厲私意方來
歲月且久長苟不致夭折者於古人所謂三不朽之一或
薄有成就乃中更國變轉徙流離日月逝於上體兒衰於
下行年已六十有八矣平昔所懷百不償一皓首遯荒仍
終日蜷伏書叢中與蟲魚同生死而已間作小文不欲再
存橐兒孫輩顧以為可惜編成一卷予署其端曰未焚橐
蓋予意虛耗歲月於此固焚棄不足惜者也癸酉端陽抱
殘老人記於遼東寓居

記梁邱氏易

予近得漢熹平石經周易雜卦殘石其末行後題存易經梁
三字知易用梁邱氏本嗣觀往歲所出序記殘石亦有易梁

字又有施氏郎中孫進及攷合異同各隨家法是正五經口

口

當是文
字二字

語益知易用梁邱氏本而叅以施氏諸家者也案

田王孫授易于施雠及孟喜梁邱賀由是易有施孟梁邱之
學宣帝時立施孟梁邱博士至後漢傳梁邱易者寔廣張興
弟子著錄且萬人故熹平刻石易遂用梁邱氏本及晉永嘉
之亂施氏梁邱之易亡故陸氏撰經典釋文不復采及二家
今就殘石所存得梁邱氏本與王輔嗣本文字異同凡三十
有二則今約舉之上經比比之无首梁邱氏本無之字小畜
月幾望梁邱氏本幾作近噬嗑舍車而徒梁邱氏本車作舉
剝六三剝之无咎梁邱氏本無之字下經蹇王臣蹇蹇梁邱
氏本蹇作蹇知此卦中諸蹇字皆作蹇益利有攸往梁邱氏
本有作用困于艱蹇梁邱氏本艱蹇作剝剝萃享乃利用禴

梁邱氏本綸作淪革大人虎變梁邱氏本變作辨鼎其形渥
梁邱氏本作其刑剝震躋于九陵梁邱氏本無于字震行无
眚眚作省艮艮其趾梁邱氏本趾作止不極其隨極作拊漸
鴻漸于磐飲食衎衎梁邱氏本本磐作般衎作衍歸妹歸妹以
娣跛能履梁邱氏本妹作昧知此卦三昧皆作昧跛作破旅得其資斧

梁邱氏本資作齊巽頻巽吝梁邱氏本頻作顛允介疾有喜
梁邱氏本喜作熹文言傳聖人作而萬物覩梁邱氏本覩作
睹臣弑其君非一朝一夕之故梁邱氏本弑作試故下有也
字以從王事梁邱氏本以上有而字美在其中而暢於四支
梁邱氏本美在下無其事暢作暢說卦傳發揮於剛柔而生
爻梁邱氏本文作有故易六畫而成章梁邱氏本章下有也
字坤以藏之梁邱氏本坤作比藏作咸嚮明而治梁邱氏本

嚮作鄉凡此異同皆晉以後治易家所未及知幸於殘石中得之可謂一字千金矣又漢書梁邱賀傳言賀本從太中大夫京房受易後更師田王孫今攷之陸氏困卦釋文剽刪注王肅本作艱艱京作剽剽案說文剽或从鼻作剽則京本之剽剽與梁邱氏本之剽剽同又鼎卦其形渥呂祖謙音訓引晁氏曰形九家京荀悅虞作刑渥九家京虞作剽亦與梁邱氏本之刑剽同此又梁邱初習京易之證矣附記于此以告當世之治易者

記小夏侯尚書

漢熹平石經殘石序記殘石存易施氏郎中孫進尚書小夏侯郎中□□字以是知石經尚書乃用小夏侯本案漢書儒林傳其先夏侯都尉從濟南張生受尚書以傳族子始昌始

昌傳勝勝傳從兄子建由是尚書有大小夏侯之學又後漢
書儒林傳載光武中興立五經博士以家法教授易有施孟
梁邱京氏尚書歐陽夏侯故至熹平刻石仍用小夏侯本今
洛中出土尚書少于他經然攷其異同尚得八則堯典汝作
秩宗石經無作字三十徵庸三十作卅惟時亮天功功作工
康誥惟民其勅懋和懋作茂寇攘姦宄作軌洛誥予齊百
工倅從王于周及殷乃引攷王倅殷倅均作辯堯典序光宅
天下光宅作廣度西伯戡黎序戡黎作堪飢呂刑序呂刑作
甫刑再益以宋洪氏隸釋所載又得數十則尚書盤庚汝悔
身何及石經身作命相時恤民石經恤作散人惟求舊器非
求舊石經作人維舊□□救舊汝無悔老成人無弱孤有幼
石經作女母翕侮老成人母流□□□保后胥感石經感作

高令予將試以汝遷安定厥邦石經汝作爾邦作國不其或
稽自怒昌瘳石經稽作廸怒作怨汝誕勸憂石經誕作永高
后丕乃崇降罪疾石經崇作知汝有戕石經戕作近廸高后
丕乃崇降弗祥石經崇降弗祥作興降不永嗚呼今予告汝
不易石經嗚呼作於戲汝分猷念以相從各設中于乃心石
經汝分猷作女比猶設作翕無戲怠石經作女罔台民懋建
大命石經懋作勛今予其敷心腹腎腸石經予作我嘉績于
朕邦石經嘉作綏爾謂朕昌震動萬民以遷石經作今爾惠
朕祇動萬民以遷尚皆隱哉石經隱作乘予其懋簡相爾石
經懋作勛周書牧誓昏弃厥遺王父母弟不廸石經王父作
任父洪範絪縕洪水石經作口口伊鴻水汨陳其五行石經
汨作曰又用三德石經又作艾六三德石經無六字凶于而

國人用側頗僻石經凶上有而字僻作辟謀及庶人石經人
作民多士時惟天命無違石經作口維天命元王曰多士石
經多士作告爾多口今朕作大邑于茲洛石經洛作維無逸
厥子乃不知稼穡之艱難乃逸乃諺既誕石經穡作嗇逸作
勅諺作延自度治民祇懼石經作自亮以民祇懼肆高宗之
享國五十有九年石經作高宗之饗國百年懷保小民惡鮮
鰥寡石經作懷保小人惠于矜口則其無淫于觀于逸于遊
于田以萬民惟正之供無皇曰石經存酒母勅于遊田維口
共母兄曰諸字此厥不聽人乃訓之乃變亂先王之正刑石
經作口厥不聖人乃訓變亂正刑則皇自敬德石經皇自作
兄曰嗚呼嗣王其監于茲石經作於戲嗣王監于茲君奭其
終出于不祥嗚呼石經終作道嗚呼作於戲立政常伯常任

準人石經準人作辟口謀面用丕訓德石經謀上有亂字灼
見三有俊心石經俊作會文王惟克厥宅心石經作王維厥
度心以竝受此丕丕基嗚呼石經作口口受茲不不其於戲
予旦已受人之徽言石經已受作以前徽作微不訓于德是
罔顯在厥世石經訓下無于字在作哉以觀文王之耿光石
經耿作鮮顧命用克達殷集大命石經達作通集作就狄設
黼宸綴衣石經黼宸作黼衣小夏侯歐陽學說久絕于晉永
嘉之亂今于熹平石經竟得窺見一斑且前人治尚書者采
石經異字知為大小夏侯歐陽遺說而不能確知為小夏侯
則又于今日所見序記知之古刻片文隻字裨益至宏豈不
重可寶哉

說文鍹酒器也从金亞象器形或省金作亞段君注未聞或曰即行葦之大斗非是毛傳大斗長三尺謂勺柄長三尺也桂氏義證亦無說案許君謂亞象器形今時所傳古酒器固無類此形者初亦不能明乃往在津沽從都中估人得古器其狀卷口而碩腹底圓如鼎腹兩肩各有一環以便執持有文四曰大中宜酒以書體驗之乃漢代物也文曰宜酒知為酒器且詳諦其狀知即許書之亞上象兩環中象碩腹惟誤圓底為平底意其文初必作𠂔以楷書之當作𠂔傳寫譌亞耳以段桂二家所不能明一旦據器形得正其文又因許書而得名其器爰作釋亞以記之

圖予所藏器形于後



高六寸一分口徑四寸八分頸圍一尺四寸腹圍二尺二寸四分以漢鼎容一斗者斟之約容一斗又十分斗之一

釋鑿

說文鑿鑊屬以金敔聲鑊如釜而大口者

諸本作釜大口者此从段注本

就篇鐵鈇鑊雖釜鑊鑿顏注大者曰釜小者曰鑊鑿似釜而

反唇一曰鑿者小釜類即今所謂鍋也亦曰鑊鑊廣雅鑿釜

也

從王氏疏證字或作鑿內則敔半危區鄭注云半讀曰鑿

疏證本

正義隱義曰鑿上釜也以木為器象上釜之形案諸家說鑿

形制頗殊以予所得濰縣陳氏舊藏十六年鑿證之則顏注

似釜反唇之說是也此鑿銘文四行凡十九言曰鑿容五升

重三斤九兩十六年工從造第一閔主以書體驗之乃漢西

京時物其形斂口而反唇碩腹底圓畧平如鼎腹部兩旁一

方有柄方鑿可安木柄以便執持他方有小環以建初尺度

之器高四寸八分口徑三寸八分頸圍一尺八分腹圍一尺

八寸八分由是觀之知許君雖謂鑒為鍤屬而與大口之鍤形製絕不同又以其容量證之知鑒為炊器之小者顏注小釜類者是而所謂即今之鍋者非矣至鄭注內則謂其字或作鑒正義引隱義訓為土釜則鑒或以金製或以上土製故文有从金从土之別矣鑒之為器傳世甚少陳氏得之不知據以考證前聞予始證以許顏諸家之說並圖其狀如左以告當世之考古器物者



殷虛書契續編序

自光緒己亥殷商貞卜遺文出于洹水之故虛越歲辛丑予就丹徒劉氏所藏編印為鐵雲藏龜此為殷虛遺文傳世之

始又十年辛亥經國變避地海東其明年編殷虛書契前編
八卷歲甲寅為之考釋而後復編書契後編二卷皆就予篋
衍所藏手施璫墨其海內諸家所藏不能得墨本蓋甲骨古
脆得者皆珍惜不忍施墨懼損文字也然用是故予乃百計
構求十餘年間復得墨本約三千紙每欲為類次以續兩編
顧返國居津門人事尤迫不如居東之多暇致斯願久不克
償比移遼東每一展觀輒歎甲骨文字與古金石刻不同
石刻可拓至數千百本古金文則視石刻墨本傳世者千百
之一二而已若甲骨文則施墨者不過一二本其墨本可寶
不殊寶物倘不精印以傳而聽其漸滅滅孰甚焉反是將墨
本付精印化一為倍蓰什佰快又孰甚焉每欲發憤編次卒
阻於人事勿勿又三四年邇來奔走道途之日一歲中恆過